

**Broj** : 01- 363 /15

**Dana** : 23.07.2015. godine

**SKUPŠTINA KANTONA SARAJEVO**  
**Služba za skupštinske poslove Kantona Sarajevo**

**PREDMET: Zastupnička inicijativa Jusko Ismir, odgovor, dostavlja se;-**

Zastupnik Jusko Ismir je na 3. Radnoj sjednici Skupštine Kantona Sarajevo, održanoj dana 27.05.2015. godine, u okviru tačke Dnevnog reda "Poslanička pitanja, inicijative i odgovori", a u skladu sa Poslovníkom Skupštine Kantona Sarajevo pokrenuo je zastupničku inicijativu.

**Zastupnička inicijativa:**

„Evidentno je da je u srednjim i osnovnim školama prisutan određen broj učenika koji donose, prodaju ili koriste psihoaktivne supstance (narkotike), nose hladna ili vatrena oružja, prisiljavaju druge učenike da za njih rade protiv zakonite radnje, vrše vršnjačko nasilje i mnoge druge protiv zakonite aktivnosti. Također je evidentno da veliki broj učenika zna za navedene aktivnosti i one koji su nosioci istih, ali ne smiju ili se ustručavaju da ih prijave. Pravovremeno posjedovanje bitnih informacija u ovakvim situacijama može biti od strateškog značaja da spriječimo stradanje tih mladih ljudi i njihov prelazak sa one strane zakona, a za neke od njih put bez povratka.

U skladu sa svim navedenim pokrećem slijedeću inicijativu:

Da se u svim osnovnim i srednjim školama postave sandučići u koje svaki učenik škole može anonimno prijaviti sve navedeno. Da se nakon postavljanja sandučića u svakoj školi putem razredne nastave učenici upoznaju sa tim, i da se informišu da svako od njih može na ovaj način prijavljujući nekoga koji radi nešto protiv zakonito, spasiti nečiji život ili budućnost. Da se u svakoj školi formira komisija (od strane nastavnika, pedagoga ili školskog psihologa), koja bi svaki dan pregledavala sadržaj sandučića i na osnovu prikupljenih informacija da planiraju svoje slijedeće aktivnosti: posmatranje markiranih učenika, razgovor sa roditeljima i ako treba sa pripadnicima MUP-a.

Na ovaj način bi ohrabрили učenike da svaki od njih može preuzeti stvari u svoje ruke i spriječiti nešto što za neke od njih može biti pogubno, a nastavnicima i profesorima bi pomoglo da dobiju izuzetno bitne informacije na osnovu kojih mogu planirati dalje djelovanje za svaki problem ponaosobno, a svima onima koji se bave protiv zakonitim aktivnostima u školama ili oko njih, stavili bi do znanja da više neće biti nedodirljivi i da je pitanja dana kada će ih neko prijaviti“.

## **Odgovor na zastupničku inicijativu:**

U vezi predmetne inicijative mišljenja smo da se o navedenoj inicijativi, prije svih, trebaju izjasniti predstavnici Ministarstva obrazovanja, nauke i mladih Kantona Sarajevo, organi upravljanja u osnovnim i srednjim školama na području Kantona Sarajevo, kao i druge organizacije i institucije koje u svom djelokrugu rada imaju obrazovanje i odgoj kao primarnu djelatnost.

Iz perspektive Ministarstva unutrašnjih poslova i njegove nadležnosti stava smo da je svaka inicijativa dobro došla, a posebno inicijative čiji cilj je blagovremeno ukazati na određena nezakonita ponašanja – vršenje prekršaja ili izvršenje nekog od krivičnih djela. Ukoliko se radi o neprimjerenom, nedoličnom i nezakonitom ponašanju učenika ili drugih osoba unutar obrazovnog sistema, a inicijativa se odnosi na razotkrivanje takvog ponašanja, stojimo na stanovištu kako se takve inicijative trebaju bezrezervno podržati.

Predmetna inicijativa se čini prihvatljivom sa stanovišta nadležnosti ovog Ministarstva, s tim da svoj stav o istoj, prethodno, treba da iskaže nadležno Ministarstvo obrazovanja, nauke i mladih, kao i drugi, već navedeni organi i organizacije iz oblasti obrazovanja i odgoja.

Ovo Ministarstvo svakodnevno, putem svojih policajaca zaduženih za rad u zajednici, ostvaruje neposredne i neophodne kontakte sa učenicima i predstavnicima škola, u kojima se razgovara o temama koje su od obostranog interesa, a posebno o sigurnosti učenika u i oko škola. To je jedan od visokih prioriteta u radu policijskih službenika Uprave policije ovog Ministarstva, a Protokol o postupanju u slučajevima nasilja u školama na području Kantona Sarajevo se primjenjuje bez izuzetka.

S poštovanjem,

**MINISTAR**

**Predrag Kurteš**